

漢魏叢書

載籍

拾遺記

卷六
之十

晉王嘉

著

第八十二冊

拾遺記卷六

前漢下

昭帝元始元年穿淋囓或剪步中上實沉荷一莖四
葉狀如駢蓋日照則葉低蔭根莖若葵之衛足名曰
低光荷實如玄珠可以飾佩花葉蒨蒨芬馥之氣徹
十餘里食之令人口氣常香益脉理病宮人貴之每
遊宴出入必皆含囓或剪以爲衣或折以蔽日以爲
戲弄楚辭所謂折菱荷以爲衣意在斯也亦有倒生
菱莖如亂絲一花千葉根浮水上實沉泥中名紫菱

食之不老帝時命水嬉遊宴永日土人進一豆槽帝
曰桂楫松舟其猶重朴况乎此槽可得而乘也乃命
以文梓爲船木蘭爲拖刻飛鸞翔鵠飾於船首隨風
輕漾畢景忘歸乃至通夜使宮人歌曰秋素景兮泛
洪波揮纖手兮折芰荷涼風淒淒揚棹歌雲光開曙
月低何萬歲爲樂豈云多帝乃大悅起商臺於池上
及乎永歲進諫者多遂省薄遊省堙毀池臺鸞舟荷
芰隨時廢滅今臺無遺址溝池址年

宣帝地節元年樂浪之東有背明之國來貢其方物

言其鄉在扶桑之東見日出於西方其國昏昏常暗
宜種百穀名曰融澤方三千里五穀皆良食之後天
而死有浹日之稻種之十旬而熟有翻形稻言食者
死而更生天而有壽有明清稻食者延年也清腸稻
食一粒歷年不饑有搖枝粟其枝長而弱無風常搖
食之益髓有鳳冠粟似鳳鳥之冠食者多力有遊龍
粟葉屈曲似遊龍也有瓊膏粟白如銀食此二粟令
人骨輕有繞明豆其莖弱自相縈纏有挾劍豆其莢
形似人挾劍橫斜而生有傾離豆言其豆見日葉垂

覆地食者不老不疾有延精麥延壽益氣有昆和麥
調暢六府有輕心麥食者體輕有醇和麥爲麴以釀
酒一醉累月食之凌冬可袒有含露麥穗中有露味
甘如飴有紫沉藤其實不浮有雲冰藤實冷而有光
宜爲油澤有通明藤食者夜行不持燭是芭藤也食
之延壽後天而老其北有草名虹草枝長一丈葉如
車輪根六如轂花似朝虹之色昔齊桓公伐山戎國
人獻其種乃植於庭云霸者之瑞也有宵明草夜視
如列燭晝則無光自消滅也有紫菊謂之目精一莖

一蔓延及數畝味甘食者至死不饑渴有焦茅高五
丈燃之成灰以水灌之復成茅也謂之靈茅有黃渠
草映日如火其堅韌若金食者焚身不熱有夢草葉
如蒲莖如著採之以占吉凶萬不遺一又有聞遐草
服者耳聰香如桂莖如蘭其國獻之多不生實葉多
萎黃詔並除焉元鳳二年於淋池之南起桂臺以望
遠氣東引太液之水有一連理桂樹上枝跨於渠水
下枝隔岸而南生與上枝同一株帝常以季秋之月
泛衡蘭雲鵷之舟窮晷係夜釣於臺下以香金爲釣

繡絲爲綸丹鯉爲餌釣得白蛟長三丈若大蛇無鱗
甲帝曰非祥也命太官爲鮓肉紫骨青味甚香美班
賜羣臣帝思其美漁者不能復得知爲神異之物

二年含塗國貢其珍怪其使云去王都七萬里鳥獸
皆能言語雞犬死者埋之不朽經歷數世其家人遊
於山阿海濱地中聞雞犬鳴吠主乃掘取還家養之
毛羽雖禿落更生久乃悅澤

張掖郡有邈族之盛因以名也邈奇字君珍居喪盡
禮所居去墓百里每夜行常有飛鳥衝火夾之登山

濟水號泣不息未嘗以險難爲憂雖夜如晝之明也
以淚灑石則成痕著朽水枯草必皆重茂以淚浸地
卽醊俗謂之醊鄉至昭帝嘉其孝異表銘其邑曰孝
感鄉四時祭祀立廟焉

錄曰夫心迹所至無幽不徹理著於微冥昧自顯
玄曦迴魯陽之戈嚴霜感匹夫之歎在於凡倫尚
昭神迹况求之精爽以會蒸蒸之心木石爲之立
感鳥獸爲之馴集元偉哀號春花以之改葉叔通
晨興朝流欬生橫石辛繕表跡於棲鸞衛農示德

於夢虎鄧氏之行類斯道焉按漢昭帝時有黃鵠
下太液池今云淋池蓋一水二名也宣帝之世有
嘉穀玄稷之祥亦不說今之所生豈由神農后稷
播厥之功抑亦王子所稱非近俗所食詮其名華
而不實及平飛夫之類神木怪草見奇而說萬世
之瑰偉也

漢成帝好微行於太液池傍起宵遊宮以漆爲柱鋪
黑綈之幕器服乘輿皆尚黑色旣悅於暗行憎燈燭
之照宮中美御皆服皂衣自班婕妤已下

簪珮雖如錦綉更以水蘭紗綃罩之至宵遊宮乃秉
燭宴幸旣罷靜鼓自舞而步不揚塵好夕出遊造飛
行殿方一丈如今之輦選羽林之士負之以趨帝於
輦上覺其行快疾聞其中若風雷之聲言其行疾也
名曰雲雷宮所幸之宮咸以瓊緋藉地惡車轍馬跡
之喧雖惑於微行昵宴在民無勞無怨每乘與返駕
以愛幸之姬寶衣珍食捨於道傍國人之窮老者皆
歌萬歲是以鴻嘉永始之間國富家豐兵戈長戢故
劉向合永指言切諫於是焚宵遊宮及飛行殿罷宴

逸之樂所謂從繩則正如轉圜焉

帝常以三秋閑日與飛鷺戲於太液池以沙棠木爲
舟貴其不沉沒也以雲母飾於鸕首一名雲舟又刻
大桐木爲虬龍雕飾如真以夾雲舟而行以紫桂爲
楫及觀雲棹水玩擷菱藕帝每憂輕蕩以驚飛鷺
命伏飛之士以金鎖纜雲舟於波上每輕風時至飛
鷺殆欲隨風入水帝以翠纓結飛鷺之裙常怨曰妾
微賤何復得預纓裙之遊今太液池尚有避風臺卽
飛鷺結裙之處

錄曰夫言端履拱嘿者人君之尊也是故興居有節進止有度出則太師奏登車之禮入則少師薦升堂之儀列旌門以周衛修清宮以宴息成帝輕南面之位微遊姬幸好感神仙之事谷永因而抗諫書不云乎弗矜細行終累大德斯之謂矣

哀帝尚淫奢多進諂佞幸愛之臣競以粧飾妖麗巧言取容董賢以霧綃單衣飄若蟬翼帝入宴息之房命賢更易輕衣小袖不用奢帶修裾故使宛轉便易也宮人皆效其斷袖又曰割袖恐驚其眠

後漢

明帝因貴人夢食瓜甚美帝使求諸方國時燉煌獻異瓜種恒山獻巨桃核瓜名穹隆長三尺而形屈曲味美如飴父老云昔道士從蓬萊山得此瓜云是崆峒靈瓜四劫一實西王母遺於此地世代遐絕其實頗在又說巨桃霜下結花隆暑方熟亦云仙人所食帝使植於霜林園園皆植寒菓積冰之節百菓方盛俗謂之相陵與霜林之聲訛也后曰王母之桃王公之瓜可得而食吾萬歲矣安可植乎后崩內侍者見

鏡奩中有瓜桃之核視之涕零疑非其類耳

章帝永寧元年條支國來貢異瑞有鳥名鳩鵲形高
七尺解人語其國太平則鳩鵲羣翔昔漢武時四夷
賓服有獻馴鵲若有喜樂事則鼓翼翔鳴按莊周云
雕陵之鵲蓋其類也淮南子云鵲知人喜今之所記
大小雖殊遠近爲異故畧舉焉

安帝好微行於郊垌或露宿起帷宮皆用錦罽文綉
至永初二年國用不足令吏民入錢者得爲官有卿
郡王溥卽王吉之後吉先爲昌邑中尉奕世衰凌及

安帝時家貧不得仕乃挾竹簡插筆於洛陽市傭書
美於形貌又多文辭來僦其書者丈夫贈其衣冠婦
人遺其珠玉一日之中衣寶盈車而歸積粟于廩九
族宗親莫不仰其衣食洛陽稱爲善筆而得富溥先
時家貧穿井得鐵印銘曰傭力得富錢至億庾一土
三田軍門主簿後以一億錢輸官得中壘校尉三田
一土壘字也中壘校尉掌北軍壘門故曰軍門主簿
積善降福明神報焉

靈帝初平三年遊於西園起裸遊館十間采綠苔而

被堦引渠水以繞砌周流澄澈乘船以遊漾使宮人
乘之選玉色輕體以執篙楫搖漾於渠中其水清澄
以盛暑之時使舟覆沒視宮人玉色者又奏招商之
歌以來涼氣也歌曰涼風起今日照渠青荷晝偃葉
夜舒惟日不足樂有餘清絲流管歌玉鳧千年萬歲
喜難踰渠中植蓮大如蓋長一丈南國所獻其葉夜
舒晝卷一莖有四蓮叢生名曰夜舒荷亦云月出則
舒也故曰望舒荷帝盛夏避暑於裸遊館長夜飲宴
帝嗟曰使萬歲如此則上仙也宮人年二七已上三

六已下皆靚粧解其上衣惟着內服或共裸浴西域
所獻茵蔯香煮以爲湯宮人以之浴浣使以餘汁入
渠名曰流香渠又使內豎爲驢鳴於館北又作雞鳴
堂多畜雞每醉迷於天曉內侍競作雞鳴以亂真聲
也乃以炬燭投於殿前帝乃驚悟及董卓破京師散
其美人焚其宮錦至魏成熙中先所投燭處夕夕有
光如星後人以爲神光於此地立小屋名曰餘光祠
以祈福至魏明末稍掃除矣

錄曰明章兩主丕承前業風被四海威行八區殊